



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 23. Cuioënses Indi doctrinâ Christianâ imbuuntur.

urn:nbn:de:hbz:466:1-38528

Regionis con-
ditio.

Æs Mendocinum inter legitima probatur. Regio tota nullâ aliâ re, nisi fertilitate memorabilis est. Fertilitatem facit æstivo calore vicinorum montium nix liquefacta, & in subiectam planitiem ductilibus viis ad libitum dispensata, unde tanta frumenti, vini, & cæterarum frugum vis, ut adjacentibus terris multa suppeditet. Æstivos dies brevissimos faciunt continui montes ex abrupto se in cœlum effrentes. Solemque paucis post meridiem horis occultantes: qui montes ultrò citroque ire volentibus transitum non præbent, nisi adulto Vere; quæcum tempestate non sine periculo & ingenti labore transmittuntur. Per ea tamen loca quotannis Indigenæ, nullâ sexus aut ætatis habitâ ratione, pœnè nudi ad regni interiora servitum ire compellebantur; fiebatque ut multorum artus amburerentur vi frigoris, ac intet nives rigidi examinarentur. Præterea multis aliis oneribus premebantur, miseri æquali corporum vexatione ac animarum incuria. Igitur Didacum Torres graves causæ impulerunt, ut sedem Societatis Mendoçæ ponere vellet; nam sperbat fore, ut miseri ab gravi servitio defensarentur, & multa millia Barbatorum ad Fidem converterentur. Adde, quod è Tucumania ad Chilenum regnum euntibus, & inde redeuntibus, necon Hispanis omni fermè animatum sublido carentibus, Mendoçina sedes magno commodo futura crederetur. Accessit his causis liberalitas Lopéssii Peniæ, & Agnetis ab Leone liberalitas.

Mendoçini
cives societatem ad-
mittere pri-
mum re-
miserunt.

Potes ad-
matunt.

Et fructu
letanier.

CAPUT
XXIII.
Cuiocenes
Indi doct. in
na Christia-
na iubuantur.

De eorum
moribus.

Multi ad fi-
dem conver-
tuuntur.

QUIBUS rebus primo semestri perfectis, Alexandro Faia ad sarcinas remanente, Joannes Pastor, & Fabianus Martinius, ex prescripto Didaci Torres, ad excusiones arduas animum erexere. Ipsi omnes Cuiocenses aut lacus habitant, aut campos campestres nullâ certâ sede, storeis portatilibus pro ædibus utentes, vagantur. Venatione plerumque vivunt. Palustres juncorum radices Sole duratas pro pane edunt, pro reliquo edulio pisces & lacuum rejectamenta adhibent. Cuniculorum in morem sub effossa humo ædes exiguo aditu sibi faciunt. Utrisque mos est, Judæorum ad instar, filias suas vendere, sic emptas mariti promancipiis & uxoribus habent. Pauperes pro sponsæ pretio soceris suis per annum serviunt. Ut quisque opibus valet, plures aut pauciores, duplii servitutis & conjugii vinculo illigatas, sub fornice alit. Ad hos populos delati Socii, cum reperissent plerosque, vexationum metu, latebris se abdidisse, ipsas latebras, per paludes & torrentes rate ex storeis & juncis raptim factâ vesti, pervalere: repertos docent se non vexandi, sed auxiliandi ergo venisse: non ad servitium imponendum, sed ad eos in libertatem filiorum Dei afferendos.

asserendos. Quibus sermonibus ita cicerati sunt, ut statim centum & sexaginta Ethnici Baptismum receperint. Quatuor Sacella roridem in pagis Socii erexere, quò Indi hinc inde sparsi convenientes Christianis Mysteriis imbuerentur. Joannes Pastor litteris ad Provinciale datis scribebat, se calore Solis ac siti per eas arenas pœnè fuisse confectum. Faciem ab culicu morsu & caloris acrimonia ita deformatam, planè ut elephanticus videretur. Quinque omnino mensæ in prima excursione positi sunt. Alias ad easdem terras eodem plane labore iidem ititantes quingentos Barbaros baptizavere, & ex campestribus hinc inde sparsis ducentos, tantâ animi gestientis de dæmone viçto lætitia, ut assererent labores quovis melle dulciores sibi videri, & illicia esse ad quidvis pro Christo tolerandum. Dum per montes inter Chilenum regnum, & Cuioensem Provinciam medios Joannes Pastor excuteret, Indorum manipulis extra patriam servitum ire coactis obviata factus, tantâ commiseratione commotus est, ut togam ipse suam (quod alias Didacus Torres etiam factaratur) in partes scissam nudis inter summa frigora infantibus, in itinere abs se liquefactâ nive baptizatis, dederit. Tandem Socii ab Senatu Regio impetrarunt, ne extra patriam hominum miserrimi, servitorum ergo, ire adigerentur. Quamquam quis satis legibus incitatam mortalium habendi libidinem coërcat? Varias ad eosdem. & alios finitos remotosque populos excursiones, per Socios Mendoçinos sub Didaco Torres Provinciali institutas, magno semper Baptismorum numero, dicere supersedeo; satisfecisse ratus, si scemel asseruerō Cuioensem Provinciam maximè Societati debere, quod Christiana sit. Pedetentim tamen res peragebatur: nam ferocitas & barbaries paulatim cicurantur; si patientiam non adhibeas, spem omnem corrumpes.

OCUPATIS per has sedes Chileni regni urbibus ac insulis, Didacus Torres continuato labore Tucumaniam denù pervasit. Cordubam inventus, tyrocinio ordinato, auctoqué novis Candidatorum atque ædificiorum incrementis, ad Indos domesticos sublevandos animum advertit: quos dum æquâ mercede compensatos manutinuit, irritavit Cordubensem animos, in vindictam odiosæ rei palam Societatem insectantium. Exinde nullus civis domum nostram frequentabat. Indi, ne sanam de sua libertate doctrinam audirent, ab templo nostro arcebantur: Quotidianæ largitiones pro alendis Sociis, censu perpetuo nondum constituto, fieri solitæ subtrahebantur. Nullæ denique insectationes omisæ, si forte in suam sententiam adduci possent. Sed Didacus Torres certus de Divino auxilio, si miserorum causam non desereret, constantiam adhibuit; in privatis publicisque congregatis servitum personale magnâ contentione exagitans, & nisi ab eo desisterent, cœlestem vindictam civibus interminans. Minis adstruxere fidem adventitiæ aquæ, deturbatis quâmplurimis ædibus Cordubensem urbem deformantes; tempestuosi turbines agros vastantes; pestiferæ aurae dominos æquæ ac servitia, factâ corporum strage, inficienes. Quibus rebus territi nonnulli cives, Regiis diplomatibus se accommodantes, sapuere. Sed plerique contra cœlestes mortalesque minas animos obstinavere; Indos solito more, & Societatem subtræctione humanorum officiorum, vexantes. Ideo Socii diu tritico turcico, & parcis ex hortulo domestico frugibus, se sustentavere, eò ad animalium suarum curam alacriores, quò tenuius corpora alebantur. Sed Deus suis non defuit. Didacus Torres ad Tucumania interiora lustranda se accingens, domus Procuratorem monuit, eò magis Deo fideret, quò artiora omnia domi videret; primittere enim se in sua absentia domesticis nihil defuturum: non frustrato eventu: nam cum Antonius Ruisus, dominus Procurator, centum & octoginta nummos ab Provinciali abeunte solummodo accepisset, nec alia pecunia ad alendam numerosam tyronum domum suppeteret; subductis post octo menses impensarum rerum & dono acceptarum rationibus, reperit mille & octingentos nummos in usus domesticos insumptos fuisse, quorum nummorum magna pars, undeunde provenerit, nulla ratione resciri potuit. Præterea aliquot cives, etiam ex adversariis, interjecto tempore, quingentorum boum, & nongentatum ovium stipe nos donavere, Deo scilicet eorum corpora curante, qui pauperum causam, hoc est suam, suscepserant.

Quatuor sa
cella eri-
guntur.

Joannis Pa-
storis com-
mendatio.

CAPUT
XXIV.
Corduben-
sis sedes ve-
xatur ob
servitum
personale.

Didacus
Torres con-
stante agit.

Cordubenses
cives rebus
adversis de
officio mo-
mentur.

Deus socios
adjuvans.